

FESTIVAL DI TEATRO DEDICA NA HUBERT BOOI



ORANJESTAD [AAN] Hubert Booi, un persona conoci den nos comunidad cu dedicacion pa skirbi obranan na papiamento, e di 9 Festival

Internacional di Teatro ta ser dedica na su nomber.

Hubert Booi pa mas di trinta aña a skirbi pa e cancionnan, a traduci obranan teatral

conoci pa gruponan di teatro manera Mascaruba. Tambe a skirbi poemanan y ta declamador y a pinta cuadronan. Su meritonan riba tereno cul-

tural ta hopi, especialmente su contribucion na skirbi den nos lenga materna Papiamento, tanto cancionnan como obranan di teatro.

Presidente di Fundacion Centro Cultural Aruba Simeon Frank a entrega Hubert Booi un plakaat como muestra di aprecio pa su contribucion pa desaroyo di nos cultura, diasabra anochi durante e apertura di e noveno Festival Internacional di Teatro.

Ministro sra. Lili Beke, tambe

a reconoce e meritonan di Hubert Booi, ela expresa e deseo pa e participantenan na e Festival di conocimiento teatral y pa na final tur bon amigo y amiganan di otro.

Tambe tabata presente e secretaria y miembro di directiva di Centro Cultural Aruba. Henter e siman aki tin presentacion di obranan teatral pa publico den Cas di Cultura di gruponan di diferente pais.

Mirando e obranan aki sigur lo bo disfruta di anochi agradable.